

儀

禮

儀禮十七卷

四部叢刊經部

上海涵芬樓借長沙
葉氏觀古堂藏明徐
氏仿宋刊本景印原
書版匡高營造尺六
寸一分寬四寸四分

儀禮卷第一

士冠禮第一

儀禮

鄭氏注

士冠禮筮于廟門

筮者以著問日吉凶於易也冠必筮日於廟門者重

以成人之禮成子孫也廟謂禘廟不於堂者嫌著之靈由廟神

主人玄冠朝

服緇帶素鞞即位于門東西面

主人將冠者之父兄也玄

冠委貌也朝服者卜五升布衣而素裳也衣不言色者衣與冠同也筮必朝服者尊著龜

之道緇帶黑緇帶也士帶博二寸再繅四寸屈垂三尺素鞞曰韋鞞長三尺上廣一尺下

廣二尺其頸五寸肩革帶博三寸天子與其臣玄冕以視朔皮弁以日視朝諸侯與其臣

皮弁以視朔朝服以日視朝凡染黑
有司如
五入爲緇七入爲緇玄則六入與

主人服即位於西方東面北上

有司羣吏有事者謂主人

之吏所自辟除府史以下今時卒吏及假吏是也

筮與席所卦者具

饌于西塾

筮所以問吉凶謂著也所卦者所以畫地記爻易曰六畫而成卦饌

陳也具俱也西塾門外西堂也

布席于門中闌西闕外西面

闌門概闕間也古文闌爲槩闕爲蹇

筮人執筴抽上韝兼執之

進受命於主人

筮人有司主三易者韝藏筴之器今時藏弓矢者謂之韝

左也兼并也進前也自西方而前受命者當知所筮也

宰自右少退贊

命

宰有司主政教者自由也贊佐也命告也佐主人告所以筮也少儀曰贊幣自左詔

辭自

筮人

許諾右還即席坐西面卦者在左

席

即就也東面受命右還北行就席卦者有司主畫地識爻者也

卒筮書卦執

以示主人

卒已也書卦者筮人以方寫所得之卦也

主人受眡反

之

反還也

筮人還東面旅占卒進告吉

旅衆也還與其

屬共占之古文旅作臚

若不吉則筮遠日如初儀

遠日旬之

徹筮席

徹去也

宗人告事畢

宗人有司主禮者主

人戒賓賓禮辭許

戒警也告也賓主人之僚友古者有吉事則樂與賢

者歡成之有凶事則欲與賢者哀戚之今將冠子故就告僚友使來禮辭一辭而許再辭而許曰固辭三辭曰終辭不許也主人再拜賓荅拜主人退

賓拜送

退去也歸也

前期三日筮賓如求日之儀

前期三日空二日也筮賓筮其可使冠子者賢者恒吉冠義曰古者冠禮筮日筮賓所以敬冠事敬冠事所以重禮重禮所以爲國本乃宿賓賓如主人服

出門左西面再拜主人東面荅拜

宿進也宿者必先戒

戒不必宿其不宿者爲衆

乃宿賓賓許主人

再拜賓荅拜主人退賓拜送

乃宿賓者親相見致其辭宿

贊冠者一人亦如之

贊冠者佐賓爲冠事者謂賓若他官之屬中士

若下士也宿之以筮賓之明日

厥明夕爲期于廟門之外主

人立于門東兄弟在其南少退西面北上有

司皆如宿服立于西方東面北上

厥其也宿服朝服

擯者請期宰告曰質明行事

擯者有司佐禮者在主人曰擯

在客曰介質正也宰告曰旦日正明行冠事

告兄弟及有司

擯者告也

告事畢

宗人告也

擯者告期于賓之家夙興設洗

直于東榮南北以堂深水在洗東

夙早也興起也洗承

盥洗者棄水器也士用鐵榮屋翼也周制自
卿大夫以下其室爲夏屋水器尊卑皆用金
罍及大陳服于房中西墉下東領北上墉爵

弁服纁裳純衣緇帶韎韐

此與君祭之服雜記曰士弁而祭於

公爵弁者冕之次其色赤而微黑如爵頭然
或謂之緇其布三十升纁裳淺絳裳凡染絳

一入謂之縗再入謂之頰三入謂之纁朱則

四入與純衣絳衣也餘衣皆用布唯冕與爵

弁服用緇耳先裳後衣者欲令下近緇明衣

與帶同色韎韐組韐也士組韐而幽衡合韋

爲之士染以茅蒐因以名焉今齊人名蓍爲

韎韐韐之制似韠冠弁者不與衣陳而言於

上以冠名服耳皮弁服素積緇帶素韠此與

今文纁皆作熏

朝之服也皮弁者以白鹿皮爲冠象上古也積猶辟也以素爲裳辟蹙其要中皮弁之衣用布亦十五升其色象焉

玄端玄裳黃裳雜裳可也緇帶

爵鞞

此莫夕於朝之服玄端即朝服之衣易其裳耳上士玄裳中士黃裳下士雜裳

雜裳者前玄後黃易曰夫玄黃者天地之雜色天玄而地黃士皆爵韋爲鞞其爵同不以玄冠名服者是爲緇布冠陳之玉藻曰鞞君朱大夫素士爵韋

緇布冠缺項

青組纓屬于缺緇纚廣終幅長六尺皮弁笄

爵弁笄緇組紘纁邊同篋

缺讀如有頰者弁之頰緇布冠無笄

者著頰圍髮際結項中隅爲四綴以固冠也項中有緇亦由固頰爲之耳今未冠笄者著

卷憤頰象之所生也。滕薛名齒為頰，屬猶著。纒今之憤梁也，終充也。纒一幅長六尺，足以韜髮而結之矣。笄今之簪，有笄者屈組為紘，垂為飾，無笄者纓而結其條，纒邊組側赤也。同篋謂此上凡。櫛實于篋也。篋，篋筒也。蒲筵二在南也。筵，席也。側尊一，甒醴在服北，有篋實勺，觶角，柶也。

脯醢南上。側猶特也，無偶曰側。置酒曰尊，側者無玄酒服北者。纒裳北也。篋，竹器如笈者，勺尊升所以盥酒也。爵三升曰觶，柶狀如七以角為之者，欲滑也。南上者，篋次尊筵豆次篋。

爵弁皮弁緇布冠各一，匱執以古文無作廡

待于西坫南，南面東上，賓升則東面。爵弁者制如冕

黑色但無纒耳周禮王之皮弁會五采玉琪象邸玉笄諸侯及孤嬖大夫之冕皮弁各以其等爲之則士之皮弁又無玉象邸飾纒布冠今小吏冠其遺象也匱竹器名今之冠箱也執之者有司也坫在堂

主人玄端爵韠立

于阼階下直東序西面

玄端士入廟之服也阼猶酢也東階所以

答酢賓客也堂東西牆謂之序

兄弟畢袵玄立于洗東西面

北上

兄弟主人親戚也畢猶盡也袵同也玄者玄衣玄裳也緇帶韠位在洗東退於

主人不爵韠者降於主人也古文袵爲均也

擯者玄端負東塾

東塾

門內東堂負之北面

將冠者采衣紒在房中南面

采衣未冠

者所服玉藻曰童子之節也緇布衣錦緣錦紳并紐錦束髮皆朱錦也紒結髮古文紒爲

結賓如主人服贊者玄端從之立于外門之

外外門大

擯者告

告者出請入告

主人迎出門左西

面再拜賓荅拜

左東也出以東爲左入以東爲右

主人揖贊

者與賓揖先入

贊者賤揖之而已又與賓揖先入道之贊者隨賓每

曲揖

周左宗廟入外門將東曲揖直廟將北曲又揖

至于廟門揖入

三揖至于階三讓

入門將右曲揖將北曲揖當碑揖

主人升

立于序端西面賓西序東面

主人賓俱贊者升立相鄉

盥于洗西升立于房中西面南上

盥於洗西由賓階升

也立于房中近其事也南上尊於主人之贊者古文盥皆作浣

主人之贊者

筵于東序少北西面

主人之贊者其屬中土若下土筵布席也東序

主人位也適子冠於阼少北辟主人

將冠者出房南面

南面立于房外

之西待賓命

贊者奠纚笄櫛于筵南端

贊者賓之贊冠者也

奠停也古文櫛爲節

賓揖將冠者將冠者即筵坐贊者

坐櫛設纚

即就設施

賓降主人降賓辭主人對

主人

降爲賓將盥不敢安位也辭對之辭未聞

賓盥卒壹揖壹讓升主

人升復初位

揖讓皆壹者降於初古文壹皆作一

賓筵前坐正

纚與降西階一等執冠者升一等東面授賓

正纚者將加冠宜親之興起也降下也下賓一等升一等則中等相授冠緇布冠也

右手執項左手執前進容乃祝坐如初乃冠

興復位贊者卒

進容者行翔而前鶴焉至則立祝坐如初坐筵前興起也

復位西序東面卒謂設缺項結纓也

冠者興賓揖之適房服玄

端爵鞞出房南面

復出房南面者一加禮成觀衆以容體

賓揖

之即筵坐櫛設筭賓盥正纚如初降二等受

皮弁右執項左執前進祝加之如初復位贊

者卒紘

如初爲不見者言也卒紘謂繫屬之

興賓揖之適房服

素積素鞞容出房南面

容者再加彌成其儀益繁

賓降三

等受爵弁加之服纁裳韎韐其他如加皮弁

之儀

降三等下至地他謂卒紘容出

徹皮弁冠櫛筵入于房

徹者贊冠者主人之贊者爲之

筵于戶西南面

筵主人之贊者戶西室戶

西贊者洗于房中側酌醴加柶覆之面葉

盥洗

而洗爵者昏禮曰房中之洗在北堂直室東隅篚在洗東北面盥側酌者言無爲之薦者

面前也葉柶大端贊酌者賓尊不入房古文葉爲搗賓揖冠者就筵筵

西南面賓受醴于戶東加柶面枋筵前北面

戶東室戶東今文枋爲柄冠者筵西拜受觶賓東面荅拜

筵西拜南面拜也賓還荅拜於西序之位東面者明成人與爲禮異於荅主人薦脯

醢贊冠者也冠者即筵坐左執觶右祭脯醢以柶

祭醴三興筵末坐啐醴建柶與降筵坐奠觶

拜執觶興賓荅拜建柶扱柶於醴中其拜皆如初古文啐爲呼冠

者奠觶于薦東降筵北面坐取脯降自西階